



客(海陸)／懷想／☆☆★★

鼻空向往(gong`)下

平常時佢無麼个肯細人仔食糖仔，一來驚蛀牙，二來驚食飯毋落。毋過，見擺佢兜兩子阿公去街路寮轉來，就攞到大包細包。細人仔有阿公好靠勢，嘴項食等糖仔、面項笑微微仔，連行路就風神挨挨。

佢長下勸佢家官毋好忒縱(ziung`)細人仔，自家一生人辛苦，毋識好好享受，這下歲數多咧，愛多買兜來食、多買兜來用。細人仔个日仔長饒饒仔，食好、著好个機會多个係。佢家官總係恁樣應(en`)佢：「佢做細人仔時，屋下盡苦，哪有錢好買零嗒，斯有目瞞瞞看人食个份。這下佢做得到咧，孫仔想食麼个，佢就買分佢食，毋好像佢頭擺恁衰(coi`)過。再過講，這下大體人乜『惜往下』，就像鼻空生來就『向往下』樣，哪有幾多人會先想著爺衰！」無錯，做爺衰个就驚細人仔堆著、枵著；就愁細人仔頭燒額痛，項項細人仔為先，事事細人仔第一，難怪盡多爺衰長下道嘆講：「爺娘想子像長江水，子想爺娘正擔竿長。」

「人總係惜往下，就像鼻空向往下樣。」這句話時時記在佢个心肝肚，提醒佢毋好因為照顧子女，嘎來冷落著父母。佢長下想，人个鼻空雖然向往下，毋過，目珠做得看往上啊！看爺衰有麼个需要無？看爺衰有麼个病痛無？對爺衰个奉待愛及時，毋好等爺衰無在(coi`)咧正來後悔、痛苦。一溜來爺衰「向往下」惜佢，這下，佢愛「向往上」關心佢兜，做一個對上有孝个妹仔、對下慈愛个阿姆，恁樣，佢个人生正毋會有遺憾。

作者：張美容

☆詞彙學習☆

【向往下】hiong` gong` ha`：向下。

【長饒饒】chong ngiau ngiau：很長。

【風神挨挨】fung` shin ngai` ngai`：很神氣的樣子。

【堆著】doi` do`：跌倒。

【嘎】sa`：卻。

【長下】chong ha+：常常。

【一溜來】rhid liu` loi：一向。

☆文法學習☆

【無麼个】：不太、不怎麼。表示某事進行的頻率不多、程度不深，或意願不高等等。

例1：先生教个，佢聽無麼个識。(老師教的，我聽不太懂。)

例2：佢有一息仔懶頭，無麼个想去。(我有點懶，不太想去。)

【V_{動詞} + 往 + X_{方向}】：向著某處進行某事。往，音 gong`，用來加強表示動作行進的方向。例如：蹶往上(向上爬)、走往出(向外跑)、行往轉(往回走)。